

T5236.7/2213

16

11

4

CHINESE-JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE

MAR 14 1932

皇明文徵卷二十

晉江何喬遠程孝選

五言絕句

宗藩

觀煙

悟真菴

有月樹留影無風水不波誰能將此意一為問

維摩

靖安上表秋

皇明文徵卷二十

五言絕句

晉江何喬遠程孝選

哈佛大學哈佛燕京圖書館珍藏印

宗藩

觀樞

悟真菴

有月樹留影無風水不波誰能將此意一為問

維摩

靖安王表秩

長生草

草有長生者無根葉自抽秦皇不知此誤向海

中求

縉紳

陶安

鋤草

鋤草廢屋基更剗故瓦屑拾得古銅鈎蒼翠不

磨滅

宋濂

寄遠曲

妾有五字詩寄君君勿忘十朝成一字字字九

迴腸

劉基

懊儂歌

白鴉養雛時夜夜啼達曙如何羽翼成各自東

西去

長恨歌

白露下玉除風清月如練坐看池上螢飛入昭

陽殿

蓮塘曲

落日下蓮塘輕風起晚涼偶然花片落飛出兩
鴛鴦

吳琳

小景

茆屋掩芳林蘿衣臥苔石空山寂無人寒雲落
秋色

劉崧

京師得家書

江水三千里家書十五行行行無別語只道早
還鄉

牛諒

紅梅

隴頭人未來江南春幾許惆悵玉簫聲吹落
脂雨

袁凱

新鶯

愁盡

芳樹何年到西園夢裡驚不須重聽汝只是舊時聲

無題

門外青青草今年覺更深前時玉釵墜侍婢不能尋

絕句

怨

春衣裁剪罷密葉間穠花縫到鴛鴦處行行線脚斜

高啓

別呂隱君

孤舟晚溪口欲去重回首不忍別青山况此山中友

楊基

詠七首

秋啼聶政魂寒漬荆軻血報讐兼報恩刺人還自殺

陌上桑

青青陌上桑葉葉帶春雨已有催絲人咄咄桑

下語

徐賁

折楊柳

人言折柳惡儂言折柳好倘向柳邊行識君去

時道

青青水中蒲

青青水中蒲織作團團扇不肯贈傍人自掩春

風面

王儻

飲牛潭

洗耳在潭下飲牛在潭上白鷺飛復來煙中立

相向

施敬

獨棹

獨棹三巴夜秋高片月孤灘聲將客夢萬里下

東吳

逸祖

涉溪

晝涉溪猶淺暮行溪忽深水猶如此變安可測
人心

吳伯宗

題御賜倭扇

來經三島外賜出五雲中但保琅玕節真乘閩
闔風

王達

題畫和俞嘉言韻

向晚雨初過南湖水氣涼隔簾有荷芰不必更

焚香

劉球

山居

水抱孤村遠山通一徑斜不知深樹裏還住幾
人家

張寧

莫愁樂

金雀玉搔頭生來喚莫愁自從懽去後不出石
城遊

李東陽

官柳

官柳何青青低垂覆江岸日暮無人行風吹幾
枝斷

苔

豈不愛佳客客來踐我苔西園十日雨三徑不
曾開

西湖曲

湖波綠如剪美人照青眼一夜愁正深春風爲

吹淺

謝鐸

次韻十五叔父送別

路岐元不定萍梗本無根在世已如是出門何
所言

桃溪

淺水難容棹繁花自作村分明幽絕地不是武
陵源

張弼

高郵城

薜荔長龍鱗相看似可人
聖朝無良嶽那直二千銀

觀貢白鼠

白鼠黃金精將迎萬里程
若將勞費計千里馬猶輕

王弼

古意

蜘蛛結網踈春蠶成密織
織密不上身網踈常

得食

林俊

重山

野水閒雲外蒼陰古木深
流來有花片路斷亦難尋

蔡清

別鄒汝愚謫雷州某所吏日

道學先生有此蒼直

之詞

識君未三月別君遽萬里
自疑非丈夫淚落不

能止

夏鏃

送春

把君今日殘蒲送春風去明日又誰家南園看
綠樹

石瑤

砧聲

西嶺無情石東林枯木枝如何明月夜觸手動
秋思

酌泉

往往城中水不知郊外甘如何城市客不肯住
城南

李慶陽

豔曲

父母愛小女女是聰明子生不識鴛鴦綉出鴛
鴦是

江行雜詩

日出青蘋濕江渾路不分昨宵驅雨至知是海

南雲

落日沒前灘雲移鳥欲還除巾不卽臥恐遇絕

奇山

圓扉中設舊船板爲寢榻偶題

此板胡在茲吾身寢其上情知非江湖夢寐亦
風浪

東華門偶述

銀甕爛生光盤龍綉袂香但知從內出不省賜
何王

寄徐子

紫閣明迴夜金尊月映空祗應徐進士遙憶李
郎中

顧清

春日雜書

清晨戒童子竹戶不須開昨夜東風惡蒼苔有
落梅

邊貢

山中雜詩

下馬古寺門偶與山僧遇相對兩不言蟬鳴在
高樹

熊卓

出居庸

沙上望人行日暮愁心絕江南四時春邊地五
月雪

遊寺

東風忽到寺烟花日夜發山人惜年芳撫條落
香雪

張琦

樵子

入山伐惡木豈敢傷梧桐無似始知束薪人可以理
天下

朱應登

社燕吟

不忍輕飛去低迴遶井欄情知歸計決祗爲別
巢難

王廷相

江南曲

采蘅金陵江來往石城道不識江南人安識江南草

徐禎卿

江南樂

還鄉信自樂望近轉於邑阿母見兒歸定是持儂泣

韓邦奇

從軍行

少小事戎行生長亦朔漠君恩重如山鐵衣輕似葛

胡纘宗

擬古

上馬入皇城嫖姚典禁兵猶言恩寵薄下馬坐團營

南大吉

嘆柳次田子有年韻

百里緣堤迴萬條夾路新何如椿樹葉三月飽

窮民

楊慎

白石羹

童子報仙翁白石羹初熟坐客不須嘗歸家撐
破腹

搗衣杵

山東女子趙小錢年十五為賊所掠罵賊不從以搗衣杵擊賊
遇害事聞詔旗其門

戕賊金鉈鉏擊賊搗衣杵今見趙小錢昔聞楊
愍女

常倫

采蓮曲

棹發千花動風傳一水香傍人持並蒂含笑打
鴛鴦

李濂

古意

莫羨承恩早何妨近幸遲君心本無定只在轉
移時

薛蕙

宮中樂

偶過昭陽館雕籠閉絳紗捲簾通一咲落盡滿
庭花

張治道

山居

出城喜青山入城苦塵事一喜更一憂忽爾百
年去

顧可久

網集潭

溪上石霏生罟衣畢縣縷林樾斂餘暉竿杪猶
銜影

陳沂

寄顧全州

曲浦湘雲暮幽篁楚雨秋愁心寄鴻雁煩爾過
衡州

許相卿

領客觀瀑

我履解贈爾雲中聽泉去歸來還履我怕落風

塵路

敖英

連雲棧

朝朝木末行路險色惆悵絕壁何蒼蒼猿聲在
大上

吳檄

元夕與舍弟楫并諸子飲

春入上元夜筵開季子家山中無火樹白雪映
梅花

匪時徹

閭閻曲

穀熟不到釜絲成不上身莫道江南樂江南愁
殺人

樊鵬

玉階怨

寒月下秋空玉階皎如素捲簾出洞房佇看流
螢度

王格

古築城曲

築城苦不高城高胡不過東方亦有胡芒碭山
中臥

鄧遷

感秋

白露下亭臯涼風吹綺陌一夕芙蓉花紅芳變
瑤碧

唐順之

竹徑

面面隔深竹茅齋在何處遙聞犬吠聲試從此
路去

皇甫汈

有所思

魂去何須夢情來卽是思非緣悵茲夜翻似恨
當時

吳子孝

病中懷白貞甫

寄家北山下日夕見秋峰獨詠澗中石時聞城

外鍾

蔡汝楠

遷居簡友人

岡南開館舍湖上閱風花不用山陰棹東隣是
戴家

白悅

金陵偶書

旅寄金陵暮懷人湘水深烟波迷楚望花鳥自
春林

靳學顏

華州蓮池

綠水長菰蒲白鳧日日至不爲娛遊人濺波自
相媚

駱文盛

村居

飛花郊外路啼鳥水邊村莫厭過從少青山日
在門

王維楨

題鷓鴣

野禽雖微細知結寒士衣不學鴛鴦鳥偏登玉女機

喬世寧

江干曲

送君曾水上臨水卽相思不似錢塘水潮來無信期

曹守貞

訪徐南湖

見說南湖上風吹薜荔青草堂門晝掩有客注魚經

萬虞愷

烏江廟

入關事已定豈在割鴻溝霸業一朝盡烏江萬古流

李時行

旅思

寒月下疎桐清霜醉晚楓客心元自冷不是爲

秋風

胡安

閨意

妾心如古井湛潔祇自知蒼天有見處春風無
到時

李攀龍

和子與留別

結客五陵東相邀入漢宮但攜龍劍往不必問
雌雄

甘茹

伯承西園

別後寄相思遼天鴈字遲屋梁纖月落是我夢
君時

王世貞

衛河

河流曲曲轉十里還相喚那比下江舩揚帆忽
不見

戲爲眼罩作一絕

短短一尺絹占斷長安色如何眼底人對面不相識

詩五

無題

七寶流蘇帳金鈿與定情十年春夢斷恍惚似前生

至李坪驛始見竹筏上居民連亘三十餘家云隨流上下作簞治板行販

何必問故鄉浮家任儂住一夜便風來盡呼鄰里去

徐學謨

賦得秋蟬

抱葉詎矜高飲露匪蹈潔軀薄畏聲長時危慙用拙

丁自申

蠹書

芸臺深鎖篋魚蠹飽殘書怪爾偏知味吾衰媿不如

梁有譽

秋日閒吟

瑤琴不復理空餘山水情棄置石牀上風來時
一鳴

侯祁

秋夜

楓葉走空庭疑是庭前雨懷人正未眠更聽寒
蛩語

王嘉言

插擗

列樹表周道春風二月寒十一河秋水發成敗在
新灘

惜華曲

華開風雨裏華卸風雨止有意如繁華擾亂迺
如此

張文介

吳江舟中

向夕問舟人吳江將至否須傷微月中繫船好
沾酒

周東田

子夜

念茲手中線牽纏不成把但可綴郎衣不能繫
郎馬

顧大典

秋思

迢迢秋夜長耿耿他鄉別相思理瑤琴曲斷絃
亦絕

周良寅

蚕絲歌

可憐筐葉臥還作繭中絲及至微軀盡纏綿竟
不知

蠟燭

瑞烟明綺席清影照蛾眉只恐丹心盡通宵更
不辭

夜泊始興江口

繫纜荒山下挑燈細雨前客心共流水搖蕩不
成眠

潘緯

古砦

古砦多魑魅陰燐照不絕去來那近人隔水自
明滅

張縉

湖上

涼風吹羅衣自唱採蓮曲日暮不見人秋蘋滿
湖綠

鄭材

楊柳枝歌辭

撲朔可知雄迷離可知雌女兒年十五解作憶
郎詞

謝杰

海膽

海物知必佳雖膽亦可嘗安得陶朱公獻之於
越王

馮琦

恭陪

聖駕步禱雨南郊紀盛二

首

萬乘出郊圻君王御布衣曉雲低不散盡逐六
龍飛

龍武新軍罷勾陳御路開紅塵都不掃留待雨
師來

湯顯祖

宿龍潭

是歲春多雪烟花思不堪雨中雙燕子今日是
江南

袁宗道

過黃梁夢

共道夢非真誰知醒復僞飛昇羨呂公亦是夢
中事

區大相

潯陽曲

門對九江水送郎只一處莫作九派流尋郎無
處所

王衡

漢高廟

千古猶原廟空山白日寒神旗中夜出誰識漢衣冠

周訓

抱關

寒江冰上舟暮夜津頭鼓但知事送迎勿問有

風雨

韋布

劉績

自題詩本

幼小工刺綉極知針線難祇緣花樣古不耐入

時看

征婦詞

征婦語征夫有身當徇國君為塞下草妾作山

頭石

結客行

結客千金盡酌恩一劍存羞為狗盜伍不傍孟

嘗門

草阜坳

東坳春草長西坳白日晚獨有坳中兒牧牛知
近遠

蔣主忠

芙蓉

清露下林塘波光淨如洗中有弄珠人盈盈隔
秋水

張燦

婕妤春怨

太液柳垂絲昭陽花蒲枝如何長信草獨自見
春遲

吳擴

漂母祠

賢哉一飯恩千載猶廟食如何漢諸陵寂寞生
荆棘

張含

寄贈升菴

文譽驚徐邈風流出馬卿如何錦江客常在昆

明城

孫宜

閨中詞

地遠思難得愁煩夢不成高樓吹笛夜腸斷玉
關聲

黃省曾

襄陽曲

且買槎頭鱸去醉漢江酒笑殺杜征南沉碑管
身後

鄭昆

陶靖節

春風原上草不種寄奴劉却愛斜川柳無花過
石頭

王涑

夜坐

懸燈照清夜葉落堂下雨客醉已無言秋蛩自
相語

雷鯉

題畫

青山雲縹緲烟樹曉霏微野店無人到風花作
雨飛

陶機

臥雲崗

遠望南崗路高低松桂風人家雲樹外鷄犬翠
微中

王穉登

宗將軍戰場

月黑畊人語隔河見白馬知是精靈歸來向廟
門下

俞安期

秦淮曲

東起東柵塘西至邀笛步前門青槐陌後戶垂
楊路

中涓

龔輦

見後猊偶作

聖德彰戎服俊猊遠貢將雖然爲異物費我大
官羊

道釋

吳門釋法杲

樂府雜曲

馬頭十分高馬頭十分低下與紅塵接上與紅
塵齊

山居二首

一瓢懸此樹老歿復何言所食唯山栗饑來喚

綠猿

佛後竊拈花埜狐爭繞座譬如三家村爛棗亦
奇貨

閨秀

潘氏

重陽

獨坐小窓下幽蛩不絕鳴青天孤月淨滿耳是
秋聲

江上

江上水正平日照西山口遠樹一尺長岼濶風吹柳

陳孺人

暮秋

野色滿園中閑情立晚風菊花含雨艷楓葉醉霜紅

董少玉

憶別

憶別河橋柳青青送馬蹄妾心與羌笛無日不

遼西

陸聖姬

夜坐

萬里遙天碧當空皓月生坐深清不寐林竹動秋聲

項蘭貞

秋夜

靜夜砧初動涼風雨乍收一鈎新月上應照故園樓

許景樊

貧女行

豈是乏顏色工針復工織
小小長寒門良媒不相識

王鳳嫺

暮秋

愁人怯夜長寒鴉啼古木
獨坐不成眠西風到庭竹

張引光

賦得白裡白

鶴步瑤階淨螢飛星漢斜
玉人舉素幙和月折梨花

徐小淑

早春對雪

雨雪征車阻春明未到家
人生俱是客偶爾寄天涯

孟淑卿

題畫

嶺樹盤雲轉溪紆路亦斜晚來烟靄合無處認山家

六言絕句

縉紳

袁凱

淮安道中

山陽城中細雨廣陵陌上飛花
估客時時吹簫行人處處思家

程敏政

宿遷早發

驛店瀟瀟雨落水村啞啞鷄鳴
推枕偶然夢覺沿河已有人行

李東陽

嘉杭道中

煙籠近浦沙白雨急長溪水渾
一夜江頭潮滿釣船撐到柴門

喬宇

別李惟正

山背晴光羃羃江頭柳色依依離亭故人何處
明日孤舟送歸

張琦

答俊上人惠竹

霧根過江三里淺碧遮山一重風靜幽藏孔翠
雨來寒翳僧鍾

顧璘

漢川道中

綠橘霜寒已熟黃花歲晚初香可惜山人野興
不逢故里秋光

魯鐸

草蟲

淑氣濃薰芳草晴絲不礙花蟲春色都堪描畫
無人畫得東風

楊慎

寄張愈光

詩須有爲而發文至無心乃傳蘇武河梁四首
劉伶酒頌一篇

南大吉

田家雜詠

蒿萊叢裡深巷榆柳陰中比隣吠犬迎來縣吏
鳴鷄喚起耕人

王梅

重陽城西登高

清溪踈竹幽亭斜風細雨山城短髮自憐杜甫
黃花不負淵明

沈愷

次郭兩山韻

清沙翠竹交加錦石文禽相逐分明數點漁燈
照見一村茅屋

范欽

初夏望春莊漫興

白鶴山前村逕青槐樹裡人家過客但尋舊社
呼兒旋煮新茶

吳維嶽

孝豐西圩道中

澗泉遶路十里石屋棲雲數家何處微風醒酒
溪南紅杏新花

何良俊

放言

長卿不羞滌器幼輿偏喜投梭叔子自復佳耳
安石終奈樂何

王世貞

濟南道中戲作解悶

有論已乖養性無書自成絕交且從李耳視舌

不與陶潛鬪腰

檀氏沐猴無怪謝郎鸚鵡更工爲語當筵鮑老
莫笑欽明八風

王嘉言

木綿華怨

東南海寇助勦西北黠胡殺傷江淮水旱蟲賊
將相承恩建章

黃伯善

書舍

爵蠟渾忘世味畫脂恐近時名小築北山精舍
頻招東郭先生

焦 竑

性公自高陽過訪賦贈

竹塢松關自在埜鶴孤雲等閒門外青山正好
雨中白足將還

顧起元

晝見雀羅彌戶夜看鼠跡印牀物我何時可一
江湖今日相忘

韋布

吳擴

金山寺城晴眺

山下健兒牧馬海上孤城晏然桺塢漁家晒網
沙村鹽竈吹烟

史鑑

卽景

綠樹原頭淺草青山谷口飛花記得南湖良夜
月明曾載琵琶

王叔承

西湖漫興

沽酒林逋宅畔折花蘇小墳邊蓮葉棹開明月
竹枝歌斷蒼烟

釋衲

宗泐

巖潭道中

古木灣頭漁艇夕陽山下人家風起一溪白浪
秋來滿路黃花

釋夢觀

卽景二首

露萼輕勻蝶粉風花亂織蛛絲舊雨故人何處
夕陽獨立多時

暝港雪迷歸櫂曉齋寒徹重衫恠底欄釵落盡
春風昨夜江南

閨秀

周濟妻

惜春

桂樹游絲簫箎
簇簇簾飛絮
輕狂杜宇喚將春去
小桃落盡紅香

皇明文徵卷二十一終

柱樹游記
小梳落堂訂書

